

# 布告

新舉臨時大總統 布告各督撫及各軍隊電 陽歷二月二十二日即壬子正月初五日  
現在共和成立人民程度日進文明凡我友邦在華人士尤宜誠惻相孚益敦睦誼以期邦交  
穩固共享和平獲躋世界於大同保我國民之名譽值此大局初定人心浮動地方秩序諸待  
維持所有旅華各國人民生命財產應由該地方官及駐紮各軍隊切實保護倘有疏虞該地  
方文武將吏均難稍辭其責本大總統謬承國民推舉勉擔義務所倦倦在抱者尤以國利民  
福輯睦邦交爲重望各地方長官及各將領轉飭所屬所部共悉此意一律遵行特此布告新  
舉臨時大總統袁箇印

臨時公報

陽歷二月廿五日即壬子正月初八日

# 電報

南京參議院報選舉黎副總統電 陽歷二月二十二日即壬子正月初五日

各省都督各軍司令北京袁公慰亭蒙古王公聯合會南北軍統一會北軍各路統將津總督  
諮議局汴巡撫諮議局奉總督諮議局吉林巡撫諮議局黑龍江巡撫諮議局蘭州總督諮議  
局迪化巡撫諮議局滬華僑聯合會京津滬廣杭各報館均鑒二十日午後二時開臨時副總  
統選舉會全體一致舉定黎公元洪爲臨時副總統謹聞參議院



## 附錄

直晉豫三省諮議局致袁大總統電 陽歷二月二十一日即壬子正月初四日

共和成立參議院公舉我公爲大總統極盼我公速赴南京就職早定大局敝局等同屬國民敢有異詞惟徵諸事實我公赴南諸多窒礙關東一帶現時正在蠢動風聲吃緊可慮一京都未靖倘一搖動難保不再生意外之變可慮二各國公使對於此事皆噴有煩言稍有不慎便生交涉可慮三庚子亂後與外國訂有使館通道之約若移南京則江陰吳淞等處炮臺必須撤毀利害關係甚大可慮四蒙藩回疆正待經畫倘一遷移則控御失宜不但於殖民不便且恐內訌外侮後患方長可慮五有此五慮而現在北方軍隊廣集如林一聞遷都之信皆懷觀望設必堅持成見則一搖足便生他變此但就現時情形言之已如此若就吾國歷史上觀察則南不如北尤爲彰明較著無待縷觀邇來左右躊躇臨時政府實仍以北京爲上若以國步初更必須避目前之嫌則莫若擇一交通便利之地而又無以上所慮諸弊如天津者定爲暫駐地點俟北京佈置妥貼即可仍回舊都敝局等屬在北方本不宜固執此事但爲我中國統籌大勢捨此實無萬全之策除電參議院外尙希俯賜亮察見教爲幸直晉豫諮議局同叩號

天津商務總會等慶賀袁大總統電 陽歷二月二十二日即壬子正月初五日

公任總統中華幸福地方人民同伸慶賀天津商務總會縣議參會城議董會同賀箇

煙台海軍總司令長湯彞銘慶賀袁大總統電 陽歷二月二十二日即壬子正月初五日

陽歷二月廿五日即壬子正月初八日

南北統一共和告成公爲總統民國之慶謹此電祝海軍總司令長湯彥銘率同海容海琛南琛通濟等艦公叩

黑龍江共和進行會致袁大總統電 陽歷二月二十二日即壬子正月初五日

總統榮任後士民歡騰并組織民會以贊上理而代輿論黑龍江共和進行會叩

香港各商會致袁大總統電 陽歷二月二十一日即壬子正月初四日

退位 詔下舉公總統電傳之下四民稱慶惟粵軍興以來盜賊蜂起商民蕩析離居民軍衝突時間都督去就未定民財已竭且晚不支不早收拾必生大變乞迅賜維持三十萬生靈呼籲待命粵東七十二行公安會會長兼出口洋莊商會會長陳汝侯行商郭仙洲秦祥光馮頌唐左曜光林積臣葉榕孫左慶歡關子青等千二百餘人叩

香港共和促進會會長梁燮垣等慶賀袁大總統電 陽歷二月二十一日即壬子正月初四日

共和成立公實元勳恭聞榮膺總統衆望所歸軍民稱慶謹電叩賀廣東武備畢業共和促進會會長梁燮垣副長梁士訐陳毅新周裕簡等叩馬

香港孔遂華等致袁大總統電 陽歷二月二十一日即壬子正月初四日

軍興以來土匪乘機四民流離吾粵特甚南北統一實公幹旋恭聞被舉總統天下賴安廣屬旅港團孔遂華關大輔梁典夫周鏡清梁植元等叩

臨淮關第一軍長柏文蔚慶賀袁大總統電 陽歷二月二十二日即壬子正月初五日

前由徐州回甯始知南北一心推舉公任第一任大總統將來民國前途幸福無量均賴公維持不勝欣慰蔚雖暫滯淮上尙乞時賜明教電達臨淮藉匡不逮第一軍長柏文蔚叩效

歸化麟壽率土默特全旗公舉袁大總統電

陽歷二月二十二日即壬子正月初五日

恭讀 懿旨布告共和政體麟謹率土默特全旗公舉我公早就大總統之任上安皇室

下安國民麟壽叩印豪

京師公立求實中學堂全體慶賀袁大總統呈

共和成立薄海疆歡世界偉人公推第一亞歐美非澳六洲共慶太平之風滿漢蒙藏回五族咸躋大同之域敝學堂在昔託庇幘幘曾拜栽培之賜今後仰承覆疇愈殷忭舞之忱念設立之十年當踴躍以三百爲我公賀并爲中國前途賀敝學堂與有榮焉肅此拜祝恭請鈞安

創辦北京豫教女學堂經理沈吳貞淑等上袁大總統呈

爲請願事共和 詔下薄海歡騰永息干戈之爭化除種族之見現值南北政府同時取銷臨時統一政府或宜成立惟時局艱難至此已達極點臨時大總統一席非助猷素著中外翕服之偉人斷難肩此重任此次明公出山毅然鎮靜始終和平圓滿結果鞏固國基明公德望素孚中外才略軼乎古今總統一席非明公無以克當惟望俯順輿情肩茲重任不但造五大民族之幸福卽我全國女同胞亦重視昇平得除女界數千年之黑暗改良家庭教育提倡女學是所望於明公一人矣敬呈創辦北京豫教女學堂經理沈吳貞淑女學生姚義華姚粹華

陽歷二月廿五日即壬子正月初八日

姚德華韓德容鄭德珍鄭德麟沈毓麟管毓英海淑嫻海淑英王玉貞烏淑芳陳淑珍陳淑秀  
蘇錦裳蘇錦珍朝多子景淑景惠普仁台方寶琴方梅琴陶瑞寶梁好音陳霞貞樂維定劉維  
潤汪翠鸞許聯蔚許聯荀馮維賢馮維德曹梧孫曹聞喜德秀之侯若安陸詩白郁城璧秀文  
惠文鍾慧閑金泳儀陸寶生陳裕格陳瑞格陳四格吳秀蘭吳靜蘭恩淑敏張佩書賀秀寰劉  
魯璠盧澤蓮吳韞盡胡樺齡胡葵齡董靜婉沈金蘭沈瑞玉沈瑞寶北京婦孺救濟會經理鄭  
羅淑容孔勞綰等同一處分會全體同叩

喀爾喀親王那彥圖等致袁大總統函

天祚中國俾滿蒙漢回藏五大族結成團體人心歸嚮公舉台座爲臨時大總統旋乾轉坤匪  
公其誰惟念共和宣布以後內政外交百端待理頃聞南京參議院電請公有南行赴甯之信  
蒙古部落悚懼滋深現經那彥圖等電詢外蒙古喀爾喀各部旋接復電均稱京師據全國中  
樞北控全蒙西聯衛藏南引楚粵東扼海防各國公使所居留中外人心所維繫值茲時變時  
有隱憂倘公啟節遠行險象恐將畢露功虧一篑在在堪虞是以那彥圖等於蒙古聯合會提  
議挽留檄載藉繫衆心業經全體議決除由蒙古聯合會備文陳請外那彥圖等特再代表外  
蒙喀爾喀各部懇公俯順羣情坐鎮畿輔爲未雨綢繆之計奠全國磐石之安不勝企禱之至  
崑此敬請崇安伏維鑒察喀爾喀親王那彥圖親王那木囊蘇倫郡王多爾濟帕拉木郡王索  
諾木拉布坦全啟



河南京官張文瀾等慶賀袁大總統函

仰憑偉力共和克成南北一致公舉我公爲臨時大總統國利民福中華再造凡在軍民同深懼忤吾豫人士近在湯沐尤爲榮幸專肅公啟恭賀鴻禧敬請鈞安伏維垂鑒河南京官張文瀾蔡鎮蕃曹明詳王觀成王荃瀾全叩

萬國改良會丁義華致袁大總統書

陽歷二月十五日

茲者民國建設共和成立以數千年專制之帝政於三數月間越君主立憲之階級一躋入於共和立憲之區域而大局尙未至糜爛民生能免於塗炭者是誠古今未有之異聞亦閣下惨淡維持之奇功也自今以後行見四百兆蒼生沐共和之幸福五千年中國逞雄飛於宇內大陸神州之異彩燦射雲霄項城偉人之英名流芳萬代矣義華海外下士傾慕綦殷謹捧鮮花一朶遙祝大功之告成暨偉人前途之康泰然敝人對於閣下尙有不能已於一言者卽破壞之目的既達共和之建設方始必凡舊日之污染積弊一舉而滌蕩廓清之然後方得共和之眞精神而民國基礎可望鞏固斯事斯道均在閣下洞鑒碩畫之內無俟敝人喋喋也惟義華之意數十年來鴉片流毒爲中國積弱之一大原因鴉片者蓋摧殘人民之專制魔王也鴉片不除共和之精神不眞而民國基礎不固矧中國自經此次大變之後人民之財力竭蹶而又竭蹶政府之經濟窮困而又窮困加以凡百更始需用浩繁卽從此力求維持猶恐國財民力難以復元又烏可容此禍國殃民之鴉片漏卮如前耶下愚如義華者尙能見此高明如我公

陽歷二月廿五日即壬子正月初八日

早燭審其中之利害關係矣仰慕高風瞻拜無地款款愚誠尙希宥而鑒我也此上敬請勛安  
丁義華謹肅

廣告

度支部公啟

逕啟者現在改用陽歷所有各處薪水公費養廉工食等項自陽歷三月初一日起卽陰歷正月十三日起改照陽歷按月給發至陽歷三月初一日以前應支各項卽按日計付以清界限惟軍餉暫照舊辦理相應刊布公報以便週知此啟

臨時公報

陽歷二月廿五日即壬子正月初八日